



宋本每半
葉十行每
行十八字

謝幼槃文集卷第六

口口律詩

口口寄李商老兼東文若季弓

有容春來傳尺書，詞字，教瓊瑤經時伏枕沉緜甚異
驟論交消息疎物外高情想三鳳眼中何物當雙魚遙知
小弟淒涼意騎省歸來正望廬

晝卧二首

書魔後挽睡魔推鼻息俄驚吼怒雷夢到逍遙大庭館不
堪簷外鳥鷺回
剝、啄、無俗客清、冷、多好風一枕本無憂樂累何

項遊宦大槐宮

青精飯三首

霍山王鄧西真隱駕雀乘雲飛九天當時服餅定何物同
飯青精三十年

後來見說青精飯晚遇真人隱訣中長恨聞名不相識那
知俚俗踈烏相

南人雜踈烏桐飯過熟翻成^成作淖糜太極真人方未試茅
山道士寄何遲

送酒与晏如居士二首

南人釀酒說深紅注瓦真成琥珀濃与藥相投莫宜此急

分多病晏如翁

此翁曾把春償酒醉挿姚黃更乞花多病只今犹解飲細
頌聊為遣生涯

示李商老兄弟

月夜宜披宮錦袍定知公輩豈蓬蒿文如修水波瀾濶人
与庐山意氣高伯氏氣於三虎怒凡兒何翅九牛毛相逢
徑欲倒家釀莫厭尊前持蟹螯

夏日遊南湖

麴塵裙与草争绿象鼻筒勝^輕瓊作盃可惜小舟橫西槩無
人催送^喚莫愁來

咏金來禽

技上離々金彈丸且隨玉食荐金槃盤從來物以遠為貴酷
愛閩中荔子丹

書懷

賴有書遮眼初無客就談身閑唯取醉髮短僅勝簪學僻
今何用囊空寶不貧老師行駐錫準擬問前三

次李商老端字韵

曾中磊々夜光寒霹靂驚飛在舌端夢去幽寻遠山麓詩
來喜色上門闌四時更運不停軌萬物並流皆疾湍兩鬢
凋零壯心在忍窮懷抱若為寬

招汪叔野

夜語僧窓雪載塗別來夏木又扶疎兩牛鳴處地非遠萬
竹陰邊吾所序兒能竊聽忘筆子盍徐行可當車莫訝
南鄰狂處士慘樞傾坐一軒渠

投贈通守陳處中

前驅負弩旆旌忙凜々寒風挾曉霜人道姦藏有三穴公
知民病極千瘡搖毫端是霹靂手抵几還驚鳧鷖行莫向
琳宮坐閒冷太阿何事匣中藏

晚晴步塘上

漫踏斜陽堤上行偶逢白叟問年登去年禾乾龜兆拆今

年雨多禾耳生

鳴鳩

雲陰解盡却殘暉屋上鳴鳩喚婦歸不見池塘烟雨裡鴛
央相竝濕紅衣

聞呂居仁病未差覓使寄問

消渴久困若病多蕭條子美卧江沱士窮不遇古如此天
寔欲為人謂何忠義名家本申許文章秀氣望岷峨期君
煉玉煮白石色比嬰童何啻過

種竹

闢地種修竹得方緣稅經成陰向北宇倒影落中庭直取

內含素豈唯技聞青龍鐘玉川子猶擬抱添丁

次韵季智伯寄茶報酒三解

歡伯風流可解憂疑君此外更無求揀芽投我真拋却不
是能詩薛許州

二生相逢妾換馬我今真成酒易茶腐腸銷膏亦可戒与
子服霧殫朝霞

君如張籍學古淡麗處往々凌陰何長句短章時寄我為
君翻入竹枝歌

懷鍾陵舊遊

五年二度過鍾陵馬上春風醉裡醒南浦江波迷眼綠東

湖烟柳半天青
從來地域欵卑薄
恠底山川終炳燭
又見徐家有高士
他年重作聘君亭

湯泉在法水寺後

亂泉如迸出
灣環餘燠
犹雷野寺間
但與山僧洗塵垢
還勝漲賦在驪山

食蟹四首

端為懷黃取醯烹
豈緣多足恣膏橫
然脐未用集鼠輩
推髓方嫌太瘦生

分付厨人若見嫌
十脐元有九脐尖
要知其中未必有輸
與蛤蜊如蜜甜

論功直與酒盃同
何事生憎在水中
不使落湯頻下箸
終令骨醉耐春風

有國嘗憂以味亡
酒須知有毒味中藏
誰能不累口腹事
莫趁秋風啣稻芒

以牛膽漬槐子送董之南二首

雪霜無賴點君鬢
五十龍鐘成老翁
急分槐實要腦滿
行見頭青瘦頰紅

解牛得胆大如斗
投以元槐功更加
來歲青袍映綠髮
不妨看盡九衢花

送王坦夫由淮南入京

王郎乘興上扁舟，數道書來寫我憂。
奏牘三千待金馬，卷簾千里夢揚州。
挑花水漲理歸楫，蓮葉盃香銷客愁。
白髮倚門長望子，細君應賦大刀頭。

遊安樂寺陳妙音載酒

遠郭尋春未見花，不知春在梵王家。
林間新翠張裙幄，席上殘紅當臉霞。
興逸持盃晚睨雲深飲酣揮翰走龍蛇。
主人不是陳驚座，投轄歸時日已斜。

聞無逸兄下第歸

豐林分首各銷魂，兄弟傷離况玉昆。
初謂過都白虎脊，又令點額向龍門。
往聞淮北雪花大，歸值江南梅雨昏。
欲寄

短書無別語，年來花柳自村。

李簿家有侍兒妙麗善歌舞，諸人惜其死為賦詩予

亦賦二首

草頭朝泣露溥溥，樵歌暮歸丘壠寒。
當時座上客半醉，琵琶不許近簾彈。

即子風流栖枳，鳥枳上單栖。
泣夜闌窓前，邂逅一笑聚夢中。
猶作在時看。

久旱喜雨

誰言旱魃虐，敢奪雨師杖。
淋漓漫溪流，漲瀾翻屋雷。
懸占年豐擺種快，意滌祥延踈懶。
知何幸，茅齋穩晝眠。

植菊

憔悴靈均老蕭條子美醒
冷英謀自潔摘藥恨猶青
事往成今古人止尚典刑鄙
都夫今白髮賴汝制顏齡

有懷如壁道人二首

道人詩思馮江端乞食侯門
缺屣彈鋪蒲榻卧雲何處去不

應投老累儒剋

每憶詩人賈閭仙投剋去學祖師
禪塵埃不染心如鏡妙

句何妨与世傳

寄王立之二首

坎壈脩門裏蕭條處士序
憎人玉川子憤世竹林書家有

來禽帖門無載酒車諸公生死隔
不是故人疎

二

古本初傳強仍聞右臂枯
經春一旬卧見客二兒扶吾道

柯察間問夫君合洗蘇世無滿
沈手藥味且時須

贈別董彥速四首

人間底處異蘧廬莫、堂中豈定
居我尚滯留君去速荒

園三畝夢歸歎

多謝清風日掃庭与君同種菊
青、開花爛熳君何在莫

忘蕭條我獨醒

欣同衆鳥託吾廬投杖行當歎
索居不是酸寒孟東野吾

言能聽果誰欤

機事都捐憶大庭茅簷相對眼俱青期君別後文章健往
吊沅湘屈子醒

次韵無逸兄見示

憔悴誰能

賦大招會將

北山人詎可邀謝靈運詩在城北近典細酌敢謀長袖舞苦吟空咏寸岑遥耕耘

往來諸友皆居吾廬之南

賴有陶潛婦不羨孫郎對大橋

次汪信民寄無逸韵

詩翁索莫閉門居珍重山陽信不疎但報七言當玉案何
須千里駕柴車樂天官滿應歸早揚子家貧只晏如它日

往來隨二老共甘盃飯与盤蔬

送酥魚頭醬菜与何之忱三首

和蜜煎膏學雍酥兒誇甘味比醍醐老夫舌本不知味強
解嘲為羊酪奴

放浪三江又五湖頭顱見醢尔何辜世無剛者不用覆往
侑一觴隨蜜酥

瓮底寒蔬冬作菹春来把酒必時須庾郎鮭菜二十七还
得何即下箸無

立夏日作四絕

雨脚連雲苦未收曉鷺池面日光流田家甌裏封蛛網即

漸歌謠更有秋

小簟含風六尺牀竹奴送此合專房吾身飭落都無用占
得山間一味涼

熨得絺衣一番新幅巾輕軟最宜人花時氣暖長愁夏竹
裏風微又勝春

學作蒲葵扇未工手揮聊有古人風君王別用机中練定
被南來長養功

寄刘世基用世基寄之忱韵

斷壘誰能莫不傷虎賁何取似中郎吾人身健間何濶昨
日書來喜欲狂華屋不存長念昔用文靖事金蛇雖在莫干梁

用刘氏事

幾時燒燭留君語更向東窓置一牀

招李商光兄弟時聞叔守陳公苗之未聽其來

十年不見今兄弟眉宇長懷元紫芝相二夢魂成獨往翻
書札慰相思求船貨馬事應速酌醴熱魚吾豈辭政恐
孟公投轄飲惜君高論解人頤

次刘世基韵

孔世已傳三十八諸孫猶自見長身試將後謝追前謝豈
料今人愧古人華子固頭千疊秀刘郎詩律一朝新吾家
碧淵洞紅泉句聊歎煩君作後塵

用前韵和董彦速

得句可傳千古意搜奇攻苦百年身河梁贈別初無對錦
里吟春復有人我已汗顏驚手縮君犹瓊樹賞朝新從今
習氣須磨盡二字唯當悟客塵

夏日書事二首

蒼虬蟠礎濕生雲翠竹搖風水有攸涼卧北窓呼不省出

飛逸鬢夢中聞

鷓鴣

雲峰矗立駐金雅夢斷槐宮影未斜屏翳御風遊不返南
山空轉阿香車

余嘗會李商老於海昏識呂居仁於符離今已五六
年矣偶見二公倡和詩各次其韵一首

憶昔逢君夜雪中高談未了酒尊空清漣綠篠今輸我白
壁黃金政負公渭水流清終異濁池花爰碧舊曾紅款評
此意君何在長是蒼茫立晚風

右寄商老

維舟濁汴偶相逢彈鋏歸來四壁空耕道十年常九潦謀
身一國自三公似聞諷諭能知白豈但詩詞要比紅申國
凜然生氣在故知即子有家風

右寄居仁

謝幼槃文集卷之七

口口律詩

口口口玉茗花二首

佳園昨夜愛春容
清曉驚開玉一叢
素質定欺雲液白
淺妝羞退雀翎紅
似聞金谷初無種
欲登鵝溪恐未工
底事餘花避三舍
狐高元有史君風

謂魯公也

騷人浪說麻源谷
本在風流刺史家
直与瑤林共高徹
可須梅影闌橫斜
芳尊莫待紅粧賞
幽艷長令烈士嗟
憑仗邊鶯折技手
應宜展障玉鴉叉

謾成

年來任運學騰、愛酒還同醉李僧痛飲亡何緣客至時
穿不借遠村行簷間燕雀新聲好門外池塘春水生曉起
坐窓無一事捲書南望見高稜

飲酒示座客

身前不吝作虫臂身後何須留豹皮劬勞母氏生育我造
化小兒經紀之牙籌在手彼為得塊石支頤吾所師偶逢
名酒輒徑醉兒童拍手云公痴

和季智伯金石臺不見舊題之作

瘞霍書蹤逸少齊華陽長使後人迷姓名不得芙蓉手何
用金牛捧硯題

渡憶高人張孝鷹每將盃酒勝崇名登臨叔子緣何事湮
滅無聞一愴情

悼亡三首

舊聞林下趣既見即心降月冷同秋夢灯寒对夜窓孰知
身是幻謀念涕如江仰歎朝飛雉微禽尔有双

二

三公吾豈敢曾為忍飢寒擬聽茶著雨潜悲首蒼鬢烟雲
昏壁月霜露殞香蘭佇立東風泣忘情良獨難

三

去作三泉隔來歸二載餘臨風還念汝傷女更憐渠憔悴

衣園減漂零髮髮疎吾今多病久誰付茂陵書

呈無逸兄

漢儒章句文勝質魯國衣冠寔愧名但遣詩書長在眼可
令聲利苦閨情咄嗟若飲有時辨夢想溪堂何日成舟泊
寒沙卧明月此期終欲与君盟

示舍弟

蕭然環堵獨何有自謂過人唯一丘野性定為滄海客妙
齡須漢道山遊江寒沙靜鶴鷓晚雲濶天低鴻雁秋休歎
烏衣成往事一尊相對且忘憂

寄挑鄰居士

挑鄰楚客無消息寄食招提豈定居倘有龐公知德操何
須程鄭識相如食魚它日勞彈鋏祗痔今人刺得車流落
生涯俱矣莫因風時遣一行書

寄無逸四首

三足祥鳥曾集冠平生菽水奉親惟從今五鼎應無補不
可奈何君自寬

聞說潘郎窘食貧何年會面慰艱勤北風如有齊安便為
報相思頻夢君

故園風物長如舊松栢參天六月涼岑寂北窓風雨夜獨
吟詩句遠胡牀

浩蕩漳江馮碧漪
西山清絕助新詩
好曰歸雁傳佳句
要見羊何共和之

觀李伯時陽關圖二首

坐對丹青傷別離
泪和朝雨想頻揮
道邊垂柳年年在
看盡行人長不歸

春草春波傷底事
青、柳色最消魂
龍眠自有離家恨
貌得陽關烟雨昏

秋興

雨隔千山暮風驚一葉秋
朱顏傷露摧青眼
賴沙鷗畏酒游揚夢
同詩點染愁有依
誰與語多病獨登樓

聽曾道士彈琴二首

淡泊絲絃誰與聽
試開塵匣寫幽情
琴中自有無窮怨
彈出離騷意外聲

小窓疎箔列仙家
彈盡遺音晚景斜
賀老當年定場屋
虛將妙曲付琵琶

寒食出郊

水晴鷗弄影沙軟馬驚塵
密竹斜侵徑幽花亂逼人
深行聽格磔倦憇倚輪囷
往事悲青塚年々芳草新

寄洪鴻父

兒時訪道章江上
燕雀群中見阿鴻
南浦飛雲看益棟
北

窓歌枕^清涼風讀書長憶登山勝作尉耶甘食藜窮想見
咏懷非一首釣章棘句定能工

有懷潘子真

冲和庵裡潘居士旅食京城久不还玉吐^唾銀鈎長在眼
瑶林琪樹未承顏大門曾是却嚴華吾子却居夷惠間想見
紅塵車馬底夢魂隨雁過西山

食菜

道人真是伊蒲塞垣_二園蔬入饌來紫芥寒菹參薤韭黃
橙若酒伴鹽梅蒸豚不羨貯人乳飯豆亦能羹芋魁但恐
酪奴不解事境令枵腹轉春雷

暮春二首

溜渠鳴玉雨成霖春草池塘數尺深後院落花人不到無
聊獨下海棠陰

晚雨墻東暗綠槐清陰庭院鎖莓苔委堦紅葉將春去貼
水青荷与夏来

春日黃梅花二首

臘梅初与雪爭妍素艷寒香尔可憐政使北風吹得尽一
枝金萼始嫣然
傍人如笑不勝妍曾是尋芳向臘前縱使遊蜂能拊掠含
酸結子為誰圓

梅花四首

姑射神遊閱九閨水精_晶宮殿不勝寒下窺人世生塵想故
作梅花与俗看

清曉微開淺、黃蕭疎無奈北風涼幽姿不許人窺見故
向寒林度暗香

薔薇露染玉肌香疎影寒光照野塘長使詩人動幽興不
妨桃李鬧春粧

冷香零亂點寒莎眼底愁生萬種多收拾餘芳無處惜只
傳佳句似陰何

送都仲猷

酒曹懷璧暨投閒俄許朱轡未賜環殿閣涼生應在眼宮
門駘唱合趨班鳳皇觀德翔千仞虎豹窺人礙九閨只恐
蒼生傾望久未容投筴老家山

寄題長沙高善時醉月堂

亂山岑秀繞湘墳君築茅堂底處村蠻國戈矛真夢幻醉
鄉風露別乾坤平生不負南樓興何日能同北海尊聊欲
揮毫書楚些憑君招取獨醒魂

与江君伏遊五福寺觀竹二首

老子平生与竹群清風洒濯勝三熏江郎定自興不淺共
打僧門尋此君

小池環挿碧琅玕氣韻蕭梢六月寒一夜清霜羣木落獨
苗孤節与君看

吳彩鸞寫真

天上鳳皇難獨宿人間翡翠本雙栖丹青不共久蕭共誰
遣雉東迷雀西

戲咏鼠鬚筆

編鬚將取帽毛磔裁管縛成雞距長誰言鼠輩不足齒也
復論功翰墨場

山間四首

籬落秋花未得霜嫣然一笑媚秋陽可人風味撩詩興不

記姚家宮樣黃

野老緣岡拾墮樵溪童收網度橫橋高懷尽在行歌裏豈
信人間有市朝

未羨顏生樂一簞一簞縣磬若為歡有田如使楊雄足尔
學前賢在澗槃

舉業齊眉老孟光隱居無計可須忙殘年但使糟牀注六
付生涯与醉鄉

移松二首

古貌蒼髯十八公巍々獨出衆材中朝來挽致茅堂下為
我商量送好風

河出崑崙派九州屹然砥柱立中流蒼松若比丘山重豈
但回頭費萬牛

次韵吳民載告别覓酒二首

君詩起予者百遍為君開世俗唯何甚予心不可諧獨思
南去楚衆欲此北之回何處可休影期君歸去來

三

齊下老從事相逢青眼開有朋方惆歎得汝更詠諧老母
此非淺後車君与回嘉蔬寔空甌併遣木奴來

偶書二首

大儒讀書如布穀小儒據几如王孫道人竟日無一事卧

看前江烟雨昏

平生蹇吃不解語終日坐窓送客嘲它年誤若使登要路定
被人訛無口貌

題陳先生華山高卧圖

落葉開花秋復春睡中榮悴豈關身那知五起雞三唱亦
有寒窓不寐人

和董彦光立春日二首

梅蕊飛翻柳色新雪泥乾尽已成塵愁看節物獨驚眼醉
吐詩詞君可人藜杖應門原憲病鸛裘貫酒茂陵貧朝來
似有飛揚意可但無情草木春

交情自昔白頭新富貴移人或望塵願我喜求方外士得
君端是眼中人謫仙詩富舊無敵東楚囊空今不貧已遣
搯之縫古錦共被佳句賞新春

彦兄示詩有釋氏之語復次韻

歷眼浮榮逐日新誰知澄霁本非塵吾曹例作區中士此
味全輸世外人空裏華生均是病衣中宝在却憂貧是間
枯淡君姑置且辨芳尊醉早春

何之忱用前韻示詩復次韻

揚子牢愁更美新賈生悲鵬在承塵忘懷久已裁萱草行
樂尤欣見玉人邂逅題詩聊可意平生嗜酒豈憂貧明年

剩作顛花計劇飲狂歌莫負春

從陳妙音覓酒二首

雪窓痴坐捺寒灰萬斛清愁掃不開排遣此懷將底物憑
君確送麴生來

長恐閨人抱頭羞何當更脫鸛鷓裘試煩郎子傾家釀不
用平原老蒼郵

次韻董彥孚獨卧逸堂之句

逸舍擅桑五月涼歲寒高節尔难忘期君鴻鵠應高舉願
我批蟬豈自量索價舊曾啼少室荷鋤犹可繼柴桑庶堂
若許連牀臥待看風吹細々香

送黃柑与彦孚二首

殘臘才經一番霜青、三寸作金黃故園兄弟懷思我特
地分甘到草堂

手折奇苞遺細君更思持送逸堂人甘寒定可錦綉口看
吐新詩泣鬼神

過金山下作

揚子江中風浪生小舟如葉任歌頌槩搖齊指金山寺霧
暗初疑鉄瓦城絕頂迥分雙塔秀層樓危立一僧清它年
來訪結庵地吾与此江春水盟

獨登有美堂

龜趺双峙日星懸讀罷憑闌心浩然繚繞峰岳浮野色參
差樓閣起晴烟湖光淨照山間寺江浪遙連海外天安得
翰林風月手一時摩寫入詩篇

雨中漫成四首

東風渾作勃花寒冱莫林塘不受看玉版雀翎俱未識梨
梢空有羽闌干

向老逢春懶問花惡風吹雨故斜一城桃李應漂盡不
到城南常杜家

一樹山礬宮樣黃曉風微送雨中香鼻端空冱誰知許莫
恠雄蜂取次狂

纔見花飛掃不開只今青子落莓苔當時一咲冰雪面曾
動揚州詩興來

送王山人

秋風蕭瑟賦歸歎此去懸知食有魚我尔羨君無奪糶長
沙終負過秦書

前空一竹 謝幼槃文集卷第七

謝幼槃文集卷第八

吕吕賦論辨序記

吕吕懷故園賦

余故園之幽 窵兮拓荒榛而徑始而銅山之崗岑兮挹蕭

晨之爽氣擢夫矯之蒼松兮參虬龍之游戲時便始之脩

竹兮碾萬夫而環侍築屋其間兮將以隱居而求志盤旋

不出兮殆不知老之將至夫何漂泊異縣兮莽沅萍之無

蒂山岑兮分植壁泉涓兮鳴珮玩山水之清佳兮不足

以樂飢而忘味雖信羨非吾土兮昔之人所以登樓而橫

涕嗟三畝之寬閑兮豈一錐之莫置畦西滋乎秋菊兮墻

東繁乎春莽晚食可以當肉兮徐行可以當騎冬裘夏葛
苟不完兮寧弔荷而製芟効鹿門之俱隱兮遊優游而卒
歲群鱸猶可以易粟兮吾豈從墻間之祭繫古人之不食
兮獨質然而蒙袂事有感於予心首即抽毫以寫志

竹夫人賦

淇園之下渭水之濱有物森然其色青，刻晷以擅象婢
娟之狀姐豆以碧鮮玉潤之名有匪若睨而歎曰是物也
非松非桂非樛非梓孤潔似介一柯高士溫潤似德一柯
君子是必良材者也於是伐以斯棘之斧運以斷泥之斤
製而為器強名曰夫人竹友居士得之而喜曰夫藻局璇

室朱宮玉闕延羅睨之清風掃象沐之秋月神女詫其雲
而姑射逞其冰雪有談夫人之高致誦夫人之貞節維款
奉弊帚以享金無乃猷璞玉而遭則則吾方遊息於瀛洲
方丈之上結廬於銅陵碧洞之下以蛾眉曼綠而伐性以
錦衾角枕為階禍或偃息於風檀或裴回於涼榭炎曦鑠
石之晷壁月澄空之夜与夫人其同夢感莊周之物化俄
而商氣幸與涼飈四起葉翻而墮地虫啾其入耳掛
蒲葵於墻壁委織浹於篋笥童子造予而請曰今茲秋矣
歲其將換御冬頊狐白之溫曝背幸朝陽之暖唯斯之無
所取材願以給厨人之爨居士曰噫嘻子獨不聞夫伐著而

哭亡簪者即子不見夫采葑而遺下體者耶物或故則
不忘材有用則不廢豈眷顧乎姬姜乃棄捐乎憔悴自古
不莫不朕吾又何增乎歎歎雖朕吾方念此欲以憇膝而
休臂童子出居士乃披竹而歎曰鶴姑南北兮而蕭
况之上兮吾与汝其遶道

過隋論

隋高祖藉林房之親假黃鉞之制秉國政以輔少主知周
祚之將亡有草舍拯民之意舜禹禪讓之心當是之時中
外側目叔貴忌之於是詔五王劔履上殿以慰安其心親
造趙王之第陰欲現其行事而陽示不疑手持太阿之柄

雖陰謀竊發曾莫摧其鋒矣高祖既有天下明政刑修守
戰之具欲以混一區宇西斬吐谷渾北破突厥鞞鞬重譯
而納貢高麗積頽而入朝命爪牙之將驅熊虎之師旌
樓船十里相望大軍南渡日陰來徒而亡陳天下已定銷
兵偃武有臨朝願治之心躬覽万机日晏不暇衣服器用
崇尚朴素遣使者以問疾苦引乘輿以避老幼罷魚尤之
戲痛雅頌之聲不作則當時之士有牛弘許善心姚察虞
世基之屬承其詔歆奉先王之墜典修明五禮則蘇威薛
道衡王邵之後當其任如使高祖得行其志則堂乎隋
不可与周陳同年而語矣惜乎高祖有為天下之志而無

為天下之量操持大器恐天下之並起而軋已譬如閭巷
宴民一旦有十金之歲意其有擔囊而趨者嗚呼恐惕夜
不能寐彼獨不知富家必自有餘耶當此時歲穰候國
識造兵器者有禁客舍無公驗者坐及守令朝廷之上言
未卒口而缺鑽隨之廢太子勇立煬帝其危亡之兆已萌
而高祖不悟也此其過在於無為天下之量所以無為天
下之量者何也忠厚不崇刻薄而善疑也古之帝王刻薄
而善疑莫如秦始皇其疑之愈深隄防之愈密而患輒隨
之而生始皇收天下之兵聚之咸陽銷鋒鑕鑕鑄為金人十
二蓋疑天下之人有持兵而反者然不知陳涉之起斬木

後

而素下讎人又未必其誠孝也莊公因而有感宣子不以
為疑此人之情故也或謂是詐而已矣是取名而已矣亦
豈無人之情哉斯人之說勝吾不忍孝子之忘親也今人
知愛其子必朝暮求其所好以悅之豈愛親不若其子歟
噫人皆知易其愛子之心以愛其親天下豈有不孝子之
刑哉或人懼朕曰有是哉子之言是也朕則孝子之心其
亦可知也已

送邵尉序

大凡有心於得而得者其心勞而所得也不完唯無心於
得而得朕後其心泰朕而所得者亦多莊周列禦寇之徒

其言荒恆澌莽而其要一歸於無心故嘗謂海濱之人机
心一萌則鷗鳥不下而索珠赤水之北者唯象罔能得之
金谿尉邵公弱冠登進士第仕宦偃蹇不達垂二十年猶
尉富邑平居無事種黍自娛未嘗飾一詞以求知於要人
之門其於窮達得失之際泊如也為尉之明年盜囂於境
探丸為彈者驟吏胥以聞公徐在曰除盜吾職也其可以
稽吾行耶於是衣戎服帕首袴鞞鞭馬而出不淹日掩羣
盜梟之四境甬清枹鼓不鳴而使者錄其功上之朝未几
授宣義郎而使者又論其餘功其賞猶未已也邑之有識
之士相与言曰往時尉吾邑有心於賞者往々交通舞文

前

為兵獵揚竿為旗奮臂一呼而金城不守也秦法羣臣待殿
上不得持尺寸之兵諸郎中執兵陳殿下非有詔召不得
上蓋疑在左右之人有包藏禍心者朕不知荆軻之七首乃
發於燕督亢之地國圖而無目之高漸離猶能舉筑以扑也
事有曠千百年而合若荷符契者秦隋是已秦始皇刻薄而
善疑傳之二世而亡隋高祖刻薄而善疑傳之煬帝而亡
借使此兩君崇忠厚之德修寬裕之政以懷來天下後雖
有遙荒之子孫宗廟尚可以延漢高帝不過泗上亭長唐
高祖亦北面而稱臣耳其能取天下而有之耶故曰亡秦
隋者非漢与唐也秦隋自亡也詩去殷盜不遠在夏后之

世是以至人為天下稽之注哲考之所爭察治亂之由循
寬猛之宜仁風德降搖蕩浸灌人心歸之如父母措天下
於盤石之安誰得而侮之耶

孝辨

或問孝曰頃步不忘親於食之間不忘親孝子哉曰有食
於稠人之生饋之羊舍而弗食言於衆曰羊甚美吾有念
母之心焉請以遺之或謂是詐而已矣是取名而已矣子
以為何如曰是孝也食之甘者念其親此人之情也非孝
之難也穎考非食而舍肉鄭莊公母子如初柔下餓人食
而餘其半趙盾遺之簞食與肉夫穎考非誠欲以遺母

吏以陷人於死賞未及行而惕然意其卧不安席也今
公無心於賞而刑者旬不寬雖一日九遷其官可無憾公
丹陽人也家世以儒術顯其為人號稱寬厚長者而貌偉
狀古所謂燕頤虎頭飛而食肉者異時勒銘燕狀立功樓
蘭鞭弓繫矢雍容廊廟之上其可量也我邑之士望公者
如是将因辭以達意故於其行也屬予為序以贈其行云

狄守祠堂記

撫於江西為富州其田多上腴有陂池川澤之利民飽稻
魚樂業而易治歲比不登道瑾者衆破資鬻田宅者十室
而七八持妻子取庸直者十室而三四其輕俠少年無不

推埋掘冢白晝劫人於市寢以不治聞太守狄公下車之
初行其獄拊揚者相推業租賦逋負山積登進其民皆疲
察餓羸之餘公喟然歎曰民弊如此其可以苛急治耶於
是繫獄者薄其刑負租賦者緩其期其為政寬而不弛其
出教條簡而易遵一年而服二年而受三年而有成州父
老相與謀曰完我身於囹圄鞭笞之中佚我黎老於凋瘵
之後蓋公之德也公歲滿且代去蓋立生祠以慰我民之
思乎皆曰然也他日又相與謀曰祠易為也將請於公立
於州之便坐則出入有禁不得朝夕拜祠下欲便其出入
且奉嚴潔宜莫如僧舍州之僧舍數十其屋宇靜深莫如

景德禪院之主僧又有才智辨其事於是富者出財
技巧者出力不日而告成既落之成來請於余願有記夫
沒而犧樽杓牢不如生而危酒一肉也沒而廟食百世不
如生而一朝奉嘗也公之旌麾未去民已圖其像而祠之
可以為公榮朕此邦之人思公之竊公去而羽儀於夫朝
豈能忘情於此邦哉幸公之異日持節再來其德意之厚
政事之美維不敏尚能為邦人頌之公江陵人唐宰相梁
公之苗裔家以儒術更事顯公能世其家者也

造正堂記

昔之儒者正君臣父子夫婦長幼之倫談仁義禮樂教化

政刑之具自以為至矣季老子者從而非之以為博而寡
要勞而無功吾師之所傳不如是要以無為清淨為務亦
自以為至矣季釋氏者又從而非之以為久生近乎貪養
形近乎愚吾師之所傳不如是以寂滅為宗以無生為樂
夫三者之相非豈有既乎然今之世季釋老者競非吾儒
其言汪洋浩渺足以駭世絕俗而儒者反取釋老之言以
明六藝之季嗚呼安得孟軻楊雄韓愈之徒出而排之使
吾聖人之道廓如也吾友吳迪吉作樓於其居第之西其
下闢以為堂因孔子荀卿揚雄之像於其間又取韓愈原
道之書寫於其壁而名其堂曰適正蓋取揚雄法言所謂

適堯舜文王為正道者也迪吉屬予為記且使道其名堂
之意余謂迪吉予坐於中堂瞻數子之容而思其季現原
道之書而詳其義則堯舜文王之道參乎其前矣雖狀理
固有待物而明者嘗試登石之樓以望長江之流浩乎
其必歸於海矣乘舟而注順流而不止雖款至海可也航
斷港絕潢者能若是乎迪吉曰我知之矣泛長江而歸乎
海是適聖人之正道者也航斷港絕潢是適諸子百家之
他道者也我知之矣子其為我書之余曰唯

謝幼槃文集卷第九

呂題跋贊頌銘

讀仁宗政要

仁宗皇帝在位四十二年深仁厚澤海涵天覆百姓鼓舞
而不知及夫鼎成尤駕望白雲而號者徧乎天下父老至
今能言之泣齋啓歎歎息至有泣下者蓋感人之深人不
不自知其狀也孔子曰大哉堯之為君也唯天為大唯堯
則之蕩乎民無能名焉書載堯之事備矣至所謂大而
民無能名者書亦不能名也傳余讀仁宗政要求其所以感
人之深殆不見其迹狀從其所任用者現之庶幾可概見

矣盛哉慶曆之中二三大臣同在廟堂詳予忠厚之風
藉使生逢其時雖掃舍人之門所欣慕焉

書元稹遺事

余現司馬遷遭李陵之禍葉蓋出於無辜竊惟在廷之臣無
有爭之者而遷亦自歎恨以為交遊莫救左右親近不為
一言故作史記之書大抵欲寓其憂憤之懷為晏平仲列
傳書其解左駢以贖越石父之罪而平稱之曰假令晏子
而在雖為之執鞭所忻慕焉余讀其書至此三復其辭而
悲之使漢廷臣有一晏平仲豈忍坐視遷之無辜以受刑
而不一引手而救之耶及現韓愈傳見王庭湊之圍牛元

翼也朝廷命愈使而人莫不危之是時廷湊擁強兵恣睢
跋扈天子遣一介之臣投餌虎狼之口若萬一無生還理
得不為朝廷失一賢士耶得不詒天下後世笑耶朕當時
公卿大臣無為愈言者獨元稹言韓愈可惜穆宗亦稍
悔之嗚呼誰謂元稹而能如是哉世之君子少而小人常
多小人不特偷安於朝而沮毀以害君子故君子一有受
其害從而擠之者皆是也而稹乃能知愈之賢不忍視其
身之危將無援以死且重為朝廷惜之是不可謂難能也
已現稹之於愈如此使其在漢廷必能出一言以救司馬
遷之禍使後世復有司馬遷亦必特書其事且願為之執

鞭焉彼作史者乃不載之本傳而特見於愈事之末是可
嘆也積與白居易同時俱以詩名天下狀多纖艷無實之
語其不足論明矣現其立朝大槩交結魏弘簡沮抑裴度
之言以浮躁險薄稱于時至於於知賢救堆奮激敢言凜
有古直臣之風夫以元稹而猶能如是又况不為元稹者
乎

書賈誼傳後

賈誼說文帝以諸侯強大天下之勢如病瘡失今不治必
為痼疾文帝入絳灌東陽馮敬之言未及施行而誼亦不
幸死矣晁錯得幸景帝乃請諸侯之罪過削其支郡於是

七國連兵西鄉以誅錯為名吳王謀反已兆於高帝之言
豈為錯發哉表蓋一說錯遂滅其宗族悲夫使誼不死景
帝之時絳灌舊臣無在者誼必得志得志必尽行其策則
晁錯之禍誼其當之耶誼之不幸而死乃誼之所以為幸
也禍福倚伏於無形其不易知如此班固稱誼夫年早終雖
不至公卿未為不過也固亦有見於斯耶

書鄭當時傳後

司馬遷稱鄭當時每朝候上間說未嘗不言天下長者其
推轂士及官屬丞史誠有味其言之也當此時諸公翕然
稱鄭莊而後世言推賢好善者亦必曰鄭莊云狀現武帝

時莊所進言見任用者東郭咸陽孔僅其人也武帝內具
官闕外事邊陲言利之臣析秋毫而天下蕭然不聊生咸
陽僅擢於鬻鹽大治其言利殆與桑弘羊等此其為害於
天下豈少哉謂莊好言長者而長者固若是耶抑所言多
長者而武帝不用也方魏其武安東朝廷辯確夫汲黯與
莊同是魏其而莊獨不能堅其說武帝試以為轅下駒司
馬遷不言其趨和承意不敢甚引當否蓋莊天性樂善至
上不能用則亦順旨而從諛嗚呼誰謂鄭莊推轂士為足
尚耶現其所進者二人卒為天下蠹朕則衛將軍之於士
大夫無稱焉賢於莊遠矣

溪堂先生昼像贊

并引

一有好事者 昼溪堂先生深衣幅巾蔭喬木坐磐石目飛
一鳴脫屣石上濯足於懸瀑之下或者見而疑之竹友居
一士從而贊之曰

以君為在山林耶炯眈之容如珠玉儼朕之衣有表襮以
君為在市朝耶冷然之泉可濯足翩朕之鴻與寓目蓋用
之而行則服簪輅被羈絡而為奉輿之駟舍之而歲則肥
斤鋸老礮壑而為蔽牛之木疑君者滔、皆是而知君者
唯我獨也

一子謝子伯讀書之館有雙柏峙于庭下枝葉茂然予願
一而譽之且曰世之君子遭時斥逐守道不交蓋有似乎
一茲相昔屈原作橘頌以自况橘同美材狀冬夏青唯
一松柏獨則橘斯為下矣頌雙柏以寄吾意云

后皇植物相嘉樹兮亭一雙峙季蓋序兮繁枝脩幹葩庭

蕪兮寧固根本傲寒暑兮四時更運不改度兮葱蒨茂禁

給其可譽兮蒲柳弱質秋殞女兮挺立不哀獨何恨兮誰

左有作誕晉宇兮繫爾異材中梁柱兮不震不頽亘千古

昔明昔庶士莫予侮兮

竹友軒銘并序

一謝子澗軒於書館鋤荒剔穢植竹數十本游居寢卧其
一竹貫四時而不改柯易葉君子似之故命其名曰竹
一友而為之銘曰

層冰我、万木被雪我現我竹勁氣貞節桃李其華輝、
中林我現我竹淨綠寒陰惟竹有材可管可籟斤斧勿侵
以保天年我掛我別与竹燕休養成嘉實鳴鳳來游

何之愧抱鏡園銘

波愚而夸飛宇矯疏雕鏤朱丹遺巧則七此哲而窮蓬戶

素樞是豈固然今古一途我現何子孝友愉、不為於陵

離母以居摠角寄巢迄於霜鬢其勤其琅以有屋廬環堵

蕭然夙而僅除爰開小園荆棘自鋤前有瓜田後有芋區
早韭晚菘可鬻可蔬斑衣兒啼將奉飯與菜嬾華巔以翼
以扶殺雞無羸客至飯蔬畦丁晨告而物不濡躡躡行汲
色頓力劬胃中既白豈曰朱愚海客有心鷗鳥凌虛机奮
原蕪智則有餘是皆机械有道所誅君寧指、用力抑將
謂桔槔之不如乎

陳無惑宴室銘

子陳子宴坐靜室沐敷居中文史在前龜觸干戈日鑿於
外而吾心澄寂若止水之淵朝於是夕於是出於物機而
頂更之間復此乎盤旋其視鼻端亦狀如閉息之龜其遺

形骸朽狀如委蛇之蟬能如是生者雖維摩詰見之其敢
曰不狀若夫身居一室而心遊四海是猶罔虎豹而檻猿
狙也其誰以為宴耶

慕局銘

世傳神仙矣慕山阿樵者現旁斧爛其柯謂堯教子此理
則那不有博奕猶賢乎已為之不止牧豎奴戲不即自警
曷昔子弟

尺銘

童子適市老儉不欺較短量長惟爾其無私

謝幼槃文集卷第十

墓誌祭文

董彦孚墓誌銘

君字彦孚諱草姓董氏家撫之金谿贈承事諱某隱居田里牧、樂善不倦於君為曾祖王父隱君生承議即通守虔州諱某清修刻苦居官守正不撓工詩博學至老未嘗一日廢書虔州生信州玉山主簿諱某越州司戶叅軍諱某同年登進士第以徑術文章擅場一時稱江西兩董越州早亡玉山性剛猶不肯俯首事大吏以是官不達玉山生君三歲姆抱覲壁間書一日弄筆寫十餘字乃壁間所

嘗見者玉山驚異之四五歲誦書如建瓴水賦五字詩有
文采可觀稍長下筆奮迅如風霆聲觀者辟易虔州拊其
背曰異時以文學大吾後必此兒也後數歲進士試其為
文汗漫喜出怪奇語卒不合有司繩尺益放情為歌詩其
悲歡譏罵一於歌詩見之年四十一以卒時政和二年六
月甲子也以其年十一月甲子葬於真源山之側王母壽
昌君曾氏春秋高君左右事之常得其歡欣於是壽昌君
哭之不成聲曰天乎吾老而見嫡孫之亡也室王氏二男
回騫皆童稚四女長許嫁幼在襁褓二季需曇才士也集
君歌詩五百篇藏於家撫其孤且教之君其必有後乎余

娶君之姑知君最詳為銘曰
挾才以為鏃接經以為弧惜榮名之不立撫韞服而號呼
季也懷之羽翼其雛尚克奮飛釋憤幽墟

吳伯俞墓誌銘

余昔讀書龍泉之陽見其地肥衍有稻梁魚果蔬之饒意
其必有素封之民居於其間向山而帶溪氣象清曠又意
其必有俊秀之士出焉既而識吳君伯俞君語余曰吳氏
自高安徙臨川卜築於龍泉溪上不知其幾年矣吾祖吾
父皆力穡為善不倦逮吾治生而資益奇贏吾是以構屋
買書延四方之才士使吾兒造之游已而見其子果皆好

學而文也君以政和四年三月癸卯卒壽六十有八以其
年十月辛酉葬于穎秀鄉之仙游原其子克明錄其寔衰
徑走百里乞銘於余辭之不可遂序而銘之君諱仕舜伯
俞其字也曾祖諱道玠祖諱文侃考諱仁遂君喜觀書尤
長於陰陽五行之說善飲酒縱譴客至無不罄歡歲飢低
穀價以惠貧民疾病不能謁醫者為祭藥治之賴而活者
頗衆有負子錢數百兩者焚其券弗問有娶其兄之子貧
不能自給者分田以養之其恤於鄉里厚於宗黨類如此
三男子曰克開曰克明曰克遠孟前君七年卒仲初授術
州耒陽尉季嘗貢于辟雍先室饒氏繼室周氏一女子嫁

進士饒擴早卒孫男四人曰邵曰邠曰郁曰却孫女三人
孟既嫁而卒餘未筭銘曰

富好行其德知其志之無驕也德必饗其樂知其家之有
後也嗚呼百歲之後近其墓者勿樵也

朱夫人墓誌銘

夫人朱氏撫州金溪人贈宣德郎諱彥國之孫處士諱猷
可之女同邑人陳箕君謨之妻為職方員外郎出守濠州
諱猷明者夫人之叔父也夫人以大觀四年七月戊申卒
享年三十有七以政和元年十二月丙午葬于歸政鄉交
龍原男三人曰德厚曰處厚曰躬厚女四人長嫁進士周

均餘皆幼夫人喪父母蚤王母崇德君怜之不許嫁凡兒
濠州承崇德之命擇所宜適以歸君謨夫人為兒時柔順
稱於宗族及為婦為妻益以孝敬聞其姑曰吾為陳氏繼
室髮時尚少左右就養俾吾安其室不唯予子之孝亦予
婦之力也君謨曰吾治家有法為士無過行吾妻每有助
為夫人之卒也其始哭之哀甚君謨日拊棺哭不絕声出
與賓客語法狀不知涕之交頤也或謂君謨賦悼亡之詩
足以寫其悲懷不狀出遺服擗珮圖佛以投浮圖屠亦足
以塞悲二者君謨皆不暇為乃日夜悲傷憂懣至於病猶
未已雖伉儷之重君謨所難忘亦夫人之賢實使之君謨

病且愈叩余門泣涕言曰吾妻葬得日願有銘余既夙聞
夫人有賢行於是撰次其事又嘉君謨能篤於夫婦之恩
也乃序其情作哀詞以吊之使銘諸石納之壙中以當銘

其詞曰

朝之容睹兮于豆于觴夕之容翼兮我襟我裳一日
棄余而注兮莽不知其何鄉姑當饋而賈涕兮兒嗽而
在傍我夢平生兮婉若覲其清揚既覺而昨兮徒有泪其
浪身如朝露兮何者為強餘生幾兮憂又克傷凋蘭
瘞玉兮何日而忘

朱夫人墓誌銘

金溪陳大聲將葬其妣以其父命來謁銘且曰大聲送君
伯氏溪堂先生游又辱知於君溪堂工文詞銘貞士烈女
節行不誣吾母葬得日而先生遠謝世激君誰宜銘者不
得銘其何以掩諸幽余不得辭乃諏其家世行實序而銘
之夫人朱姓撫州金溪人朱氏大家有官於朝為顯人而
仕於州縣者相望也夫人祖諱宿考諱宗良皆隱德不仕
夫人年十八歸為陳師堯聖徒之配於是始老矣夫人於
倫次為冢嬪事姑孝謹至於疾痛病養無不察而家事無
大細皆親之其洗夫以敬其訓子以嚴其友娣嬪以和其
脚童僕以息其言其勤無纖毫不本於誠者故陳宗無疏

戚莫不敬愛之姑捐館舍既終喪夫人以家事誨諸婦而
聖徒亦放曠樂酒不躬事生業歲時諸女來覲孫子侍側
恭藉鞠瞻舉觴文獻迨其暇豫含飴弄孫蓋將以供樂壽
考終焉而夫人不幸止此其可哀也夫卒以政和二年二
月甲子享年五十二以其年十月己酉葬于歸政鄉之柳
原男三人大聲大球大信女三人嫁彭通一黃馭許猷可
子與塔皆送進士舉孫男女九人皆幼銘曰
嬪德幽、孰傳其譽子行表、乃知其母壽不稱德子孫
其昌宰木百圍無或壞傷

祭無逸兄文

嗚呼群從兄弟孰如兄賢豈特群從此邦則狀猗與幾希
豈唯此邦世之偉人其心則降兄與信民猶壁一隻庚寅
之秋汪子云亡自楚訃聞衆為盡傷豈知以來兄又窀穸
僅閱三稔乃瘞連璧凡今知聞孰不霑臆某也晚生少兄
七歲讀書相從兄冠我穉九視我為不日兒戲教之誨之
以俟其成及我既冠詩以友朋歡然之恩不唯弟兄我壯
益窮祿欠并斗客于下邑計以餬口兄書日來問我安否
去年從兄走于京師風雪脩途間以凍飢迫其旋返病不
能支我侍兄行逆旅謁醫搽藥饋漿鮮克以時送者息肩
哭聲在幃惟嗚呼我不忍思尚思言之兄之詩文為世所珍

廣激之書以遺後人欲銘其藏必得名世我未泯求書石
以識載我以尊酌以祖行肺肝塌然有淚如澠

祭董彦孚文

嗚呼彦孚學足以入官議事而無祿以代其耕智足以發
奸姦摘伏而無地以施其巧頽世之暗瘖聲或施而得志而
君之智術乃皇、於一飽衆維欲殺而莫憐憐子亦沒嗔而
須數頃駕言而寓居嗟識面之不早我每唱而君和子或
可而予否初疑鑿枘之難合卒若酸醎之適口共娛嬉於
文字亦殷勤於盃酒方予子之疾我獨執其手方子之歛我
獨拊其柩始也哭子以詩自謂足以寫哀既而銘子之藏

人或意其不朽適消夜而啓殯度撫事而垂淚夜漫：而
莫旦魂杳：而何之酌一觴而告訣庶防涕歸其來思

潘卯老哀詞

予離群而處獨兮望古人而求友君被褐而懷才兮臥柯
丘之林藪賦幽悵於秋夜兮維愛君而不見託筆墨以寫
心兮蓋定交其已久歲乙酉之將尽兮始識君于大梁而
蒼：而髮星：兮何茲時之不偶君曰無傷兮繫吾道則
狀相送於漏屋之下兮日賦詩而飲酒越仲春之未望兮
我乘舟而東去君踟躕而不忍別兮步河堤而携手念會
合之難常兮嗟形影之乖離既黯狀而分道兮常瞻焉而

回首謂別君其幾何時兮曾書問之不通驚凶訃之奄至
兮為投箸而噎嘔予固知自古皆有死兮誰能免夫痛下
夫何奔走於道路兮竟死於奴隸之手矧比年之凋喪兮
寃然皆國之損君維學而未仕兮天又奪而莫之壽意君
死而無憾兮送諸公於九泉奈生者之惻愴兮謂天意之
莫究維君之文兮予謂不朽于今之世兮祇以覆瓿不顯
于今兮固傳於後嗚呼君身槁壤兮君名星斗



宋本羊葉
十行每行
十八字上空
三格

臨川謝逸字無逸其文章學業為搢紳推重以其所居
溪堂稱之曰溪堂先生弟邁幼槃以字行兄弟以詩鳴
江西有文集合三十卷邦之學士欲刊之以貽永久積
數十年而未能也粵紹興辛未趙公朝議來守是邦暮
年政成民服其教慨然思以儒雅飾吏事命勒其書於
學宮以稱邦人之美意昌言以鈇槩董茲職於是搜訪
闕遺以相參訂晚得溪堂善本於前學正易歲又得幼
槃善本於其子敏行藏知溪堂出處甚詳敏行逮事其
父詩律有典刑其編次是正可無恨矣刀筆方與士大
夫翕然稱贊工未訖功而四方願致其集者日至以是

知二公之名重當時欲見其書者惟恐後也聞之鄉老
無逸之文游無非天下名士其後幼槃聲聞寢廣與之
並驅而爭先既沒之後為之傳序為之哀詞祭文者甚
衆今未暇博詢而編錄也特取舍人呂公之所書摹其
真蹟于後庶幾因呂公之文而不失二公文行之實云
壬申冬十一月辛卯朔建康苗昌言題

右從事郎軍事推官宋 砥
右文林郎軍事判官陸 夏

左迪功郎差兗州學教授苗昌言

右中散大夫通判軍州主管學事嚴仲遠

宋本一行 右朝議大夫知撫州軍州主管學事兼管內勸農營田

使趙士鵬

宋本無此 淳熙二年十二月陽夏趙燁重修

宋本依手 迹上版半 葉八行

謝康樂詩規摹宏遠為一時之冠而玄暉詩清新獨出
又自有過人者後之善言詩者於二公蓋未敢有所優
劣也本中竊以為無逸詩似康樂幼槃詩似玄暉此平
昔之論也紹興三年秋自嶺外北還過臨川去幼槃之
沒十八年矣始得幼槃書於其子長訥所伏讀累日
益知前語之不謬雖然幼槃與其兄無逸修身屬行在

崇寧大觀間不為世俗豪髮汙染固後進之師也其文
字之好蓋餘事爾後之學者尊其行并學其文可也學
其文不究其行則非二子立言之本志九月二十日呂
本中書


幼槃詩文不傳於世此本從內府借出時方沍寒京師
備書甚貴需銓旅帥資用不贍乃自為鈔寫每清霜呵
凍十指如槌幾二十日始克竣帙藏之於家亦足說一
段奇事也萬曆己酉十二月十四日辛酉晉安謝肇淛
題

先大人書法步趨右軍故平日行似聖教草肖十七帖
獨真書最少即不肖 杲亦罕見此二冊乃先君己酉歲
服闋候補都門手抄謝幼槃先生集字昼端楷無一筆
潦草 杲偶得於亡侄殘篋敗篋中手捧跪誦悲喜交集
嗚呼物徑七十六年茲以無意中復歸於 杲豈非在天
之靈有默相耶因重加修整謹識時日以傳子孫使後
來知余得時情狀能永 玆惜未必非孝思之一端上
元甲子嘉平月朔不肖男杲拜手敬書
甲子臘月一日青門翁晨過手奉二大冊踵趾重繭若
不得前遙呼曰我昨自猶子宅拾其遺籍得先方伯手

錄宋謝幼槃全集言未已歛聲欲噎蓋喜極而轉恐也
余因得受讀省觀細楷精繕無一畫錯伍自記云需銓
旅卸借內府秘本深冬返寒窮二十日錄成合三萬餘
字時為萬曆己酉赴補冬官之日也迄今七十有六年
手澤如新後人撫括捲而具感能禁青門之捧而歎泣
耶頃讀福唐相公叙謝公北河紀亦稱公入都時 借
內閣秘籍抄填校勘可知公方銳進之時汲 芸憲素
業無一毫熱中臆任之念俯仰今古是何等品俎耶謝
幼槃名在崇寧大觀間以嶮然不淄見稱呂舍人本中
章 有述公目中豈真以其詩文為模楷顧自有欽崇

之道耳惟青門擴其意未必不當謝家之寶刻哉東山
後學黃晉良頓首敬跋

信生十餘歲得讀先生五雜俎一書其羅籠名物錯綜
天地真曠若發矇晚復及窺先生諸刻浩如淼如未易
究其涯涘也曩與先生同時者經濟推崇相董先生淵
博推能始曹先生先生與之頡頏而會集其長蓋三百
來吾鄉先進中一振奇君子也世運而注典型凋謝何
幸得覩遺墨于烏衣舊卷中王氏通天
前耳甲子臘杪後學林信敬



謝幼槃集兩冊古未樓汪氏抄本

無目錄余另有一本較此為善乃

曹石倉藏書曾經葉東仰校至

北平謝寶樹有題識乙丑嘉平

購之臨清徐梧生家時免勢

迫卒歲無資乃後於女弟惟

中夏生活治世亦所以耶
瑞世悠悠英雄氣短書果放
筆三筆



祀竈夕

